



অবিলম্বে প্রকাশের উদ্দেশ্যে: 12/12/2021

গভর্নর ক্যাথি হোকল

**শনিবারে বিধ্বংসী ঝড় ও বিদ্যুৎ বিভ্রাটের প্রতি স্টেটের সাড়াদান সম্পর্কে নিউ ইয়র্কবাসীকে গভর্নর হোকলের আপডেট প্রদান**

**ওয়েস্টার্ন নিউ ইয়র্কে রাতের বেলায় 77 MPH পর্যন্ত বেগে আঘাত হানা ঘূর্ণিঝড়ের ফলে আনুমানিক 300,000 বিদ্যুৎ সংযোগ বিচ্ছিন্ন হয়ে গেছে**

**স্টেটের ও স্টেটের বাইরের 10,000 ইউটিলিটি কর্মী 200,000 এরও বেশি গ্রাহকের বিদ্যুৎ সংযোগ পুনর্বহাল করেছে; 97,000 গ্রাহক এখনো বিদ্যুৎ পাননি**

গভর্নর ক্যাথি হোকল আজ স্টেটের বেশিরভাগ অংশে রাতের বেলায় আঘাত হানা ঘূর্ণিঝড়, যা প্রবল তীব্রতার সময়ে আনুমানিক 300,000 বিদ্যুৎ সংযোগ বিচ্ছিন্ন করে দিয়েছে, এর প্রতি স্টেটের সাড়াদান সম্পর্কে নিউ ইয়র্কবাসীকে আপডেট জানিয়েছেন। ডানকার্ক সিটি, নায়াগ্রা ফলস বিমানবন্দর, ও বাফেলো সিটি সহ কিছু জায়গায় ঝড়ের সময়ে বাতাসের গতিবেগ 70 mph এর বেশি ছিল। আনুমানিক 10,000 স্টেট ও স্টেট-বহির্ভূত ইউটিলিটি কর্মী এখনো বিদ্যুৎ সংযোগ না পাওয়া 97,000 গ্রাহকের সংযোগ পুনরুদ্ধারের জন্য আজ কাজ করা অব্যাহত রাখবেন।

"গত রাতে, স্টেটব্যাপী বিভিন্ন স্থানে, বিশেষ করে ওয়েস্টার্ন নিউ ইয়র্কে ঘূর্ণিঝড়ের সমতুল্য শক্তিশালী একটি তীব্র ঝড়ের ফলস্বরূপ কয়েক লক্ষ নিউ ইয়র্কবাসীর বিদ্যুৎ সংযোগ বিচ্ছিন্ন হয়ে গেছে," বলেছেন গভর্নর হোকল। "স্টেট ও স্থানীয় পর্যায়ের ইমার্জেন্সি ম্যানেজারদের সহযোগিতামূলক প্রচেষ্টা এবং স্টেটের ও স্টেটের বাইরের কয়েকটি জায়গায় ইউটিলিটি কর্মীদের কঠোর পরিশ্রমের ফলে বিদ্যুৎ বিভ্রাটের ফলে ক্ষতিগ্রস্ত গ্রাহকদের অর্ধেকেরও বেশি সংখ্যক সংযোগ ফিরে পেয়েছেন। দেশের অন্যান্য অংশে মৃত্যু ও ধ্বংসের কারণ হওয়া এই বিরূপ আবহাওয়ার ফলে ক্ষতিগ্রস্ত সবাইকে যথাশীঘ্র সম্ভব সহায়তা প্রদান করা নিশ্চিত করতে আমরা কাজ করা অব্যাহত রাখবো।"

গতকাল, ওয়েস্টার্ন নিউ ইয়র্ক, ফিঙ্গার লেকস ও নর্থ কান্ট্রির অঞ্চলগুলোতে ঝড়ো হাওয়া সম্পর্কে সতর্কতা জারি করার পরে গভর্নর হোকল স্টেটের জরুরি সাড়া প্রদানকারী সম্পদ বরাদ্দের নির্দেশ দিয়েছিলেন। এছাড়াও এই উইকএন্ডের বিরূপ আবহাওয়ার প্রভাবের প্রতি সাড়া দেয়ার উদ্দেশ্যে গভর্নর স্টেটের অভ্যন্তরীণ কন্ট্রাক্ট ও বহিরাগত কন্ট্রাক্ট, এবং পারস্পরিক সহায়তামূলক সংস্থানগুলো সচল করার ঘোষণা দিয়েছিলেন।

ঝড়ো হাওয়ার সতর্কতা পেরিয়ে গেছে এবং বিরূপ আবহাওয়া সংক্রান্ত আর কোনো পর্যবেক্ষণ, সতর্কতা বা পরামর্শ নেই; তবে, আজ কিছু জায়গায় 40 mph পর্যন্ত গতিবেগের বায়ু প্রবাহ দেখা যেতে পারে। আপনার এলাকার জন্য আবহাওয়া সংক্রান্ত পরামর্শসমূহের পূর্ণাঙ্গ তালিকা পেতে, আপনার এলাকার জাতীয় আবহাওয়া পরিষেবার [ওয়েবসাইট](#) দেখুন।

## স্টেট এজেন্সির প্রস্তুতি

### স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

নিউ ইয়র্ক স্টেটের ডিভিশন অব হোমল্যান্ড সিকিউরিটি এন্ড ইমার্জেন্সি সার্ভিসেস (New York State Division of Homeland Security and Emergency Services)-এর জরুরী কার্যক্রম পরিচালনা কেন্দ্র সক্রিয় করা হয়েছে এবং এটি নিবিড়ভাবে অবস্থা পর্যবেক্ষণ করবে, সাড়াদান কার্যক্রম সমন্বয় করবে, এবং দুর্ঘটনার সময়জুড়ে স্থানীয়দের সাথে যোগাযোগ রক্ষা করবে। পাম্প, চেইন স, বালির বস্তা, জেনারেটর, খাট, কম্বল ও বোতলজাত পানি সহ ঝড়-সংক্রান্ত সংস্থান প্রয়োজনে ক্ষতিগ্রস্ত এলাকাগুলিতে পৌঁছে দিতে রাজ্যের স্টেটের মজুদ প্রস্তুত রয়েছে।

### পরিবহন বিভাগ (Department of Transportation)

স্টেটের পরিবহন বিভাগ সাম্প্রতিক দুর্ঘটনা মোকাবেলায় সক্রিয়ভাবে সম্পৃক্ত রয়েছে। অগ্রাধিকারমূলক সাড়াদান কার্যক্রম চলাকালীন সময়ে 24/7 কার্যপরিচালনা করার জন্য ক্ষতিগ্রস্ত সব আবাসিক এলাকাগুলোতে কর্মী নিয়োগ করা হবে। বিভাগটির ইনসিডেন্ট কমান্ড সিস্টেম কাঠামো সক্রিয় করা হয়েছে এবং দুর্ঘটনা মোকাবেলার সময়কালব্যাপী কর্মীদের সবাইকে কাজে লাগানো হবে।

নর্থ কান্ট্রির বাফেলো স্কাইওয়ে ও I-81 যান চলাচলের জন্য পুনরায় খুলে দেওয়া হয়েছে।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 1576টি বৃহৎ ডাম্প ট্রাক
- 51টি লোডার- গ্র্যাপল সংযুক্তি
- 323টি লোডার
- ট্র্যাকযুক্ত 33টি এক্সক্যাভেটর
- 46টি চাকাযুক্ত খননযন্ত্র
- লোবয় ট্রেইলার সহ 40টি ট্র্যাক্টর ট্রেইলার
- 14টি ট্রি ক্লিয়ারিং বাকেট ট্রাক
- 30টি ট্র্যাফিক সিগন্যাল ট্রাক
- 77টি চিপার 10" (মিনিট) সক্ষমতাসম্পন্ন

## থ্রুওয়ে কর্তৃপক্ষ

থ্রুওয়ে অথোরিটি স্টেটজুড়ে বিরূপ আবহাওয়ায় সাড়া দেয়ার জন্য 676 জন সুপারভাইজার ও অপারেটর প্রস্তুত রেখেছে, সেইসাথে ছোট থেকে মাঝারি আকারের এক্সক্যাভেটর, প্লো/ডাম্প ট্রাক, বড় লোডার, পোর্টেবল VMS বোর্ড, পোর্টেবল লাইট টাওয়ার, অপেক্ষাকৃত ছোট আকারের

জেনারেটর, অপেক্ষাকৃত ছোট আকারের পাম্প ও সরঞ্জাম টানার ট্রেইলারের পাশাপাশি যেকোনো রাস্তা পরিবর্তন বা বন্ধ করার জন্য অন্যান্য ট্র্যাফিক নিয়ন্ত্রণের সাইন ও ডিভাইস লভ্য রয়েছে। গুরুত্বপূর্ণ মোটরচালকদের সতর্ক করতে বিভিন্ন রকমের বার্তার চিহ্ন, হাইওয়ে সতর্কতা রেডিও এবং সোশ্যাল মিডিয়া ব্যবহার করা হয়।

ভোর 4টা থেকে যানবাহন চলাচলের উপর কোনো নিষেধাজ্ঞা নেই।

গুরুত্বপূর্ণ কৰ্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক ও দিক-নির্দেশনা সংক্রান্ত সহায়তা প্রদান করে। এছাড়াও গাড়ি চালকরা [ট্রান্সঅ্যালার্ট \(TRANSAlert\)](#) ইমেইলের জন্য সাইন-আপ করতে পারেন যা গুরুত্বপূর্ণ সংলগ্ন যানবাহনের সর্বশেষ অবস্থা সম্পর্কে [এখানে](#) তথ্য প্রদান করে।

### **পরিবেশ সংরক্ষণ বিভাগ (Department of Environmental Conservation)**

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, আপেক্ষিক ম্যানেজমেন্ট স্টাফ এবং আঞ্চলিক স্টাফরা সতর্ক থাকবেন এবং পরিবর্তিত পরিস্থিতিতে নজর রাখবেন এবং খারাপ আবহাওয়ার দরুন ক্ষতিগ্রস্ত হওয়ার সম্ভাবনা রয়েছে এরকম এরিয়া এবং অবকাঠামোগুলিতে তারা টহলদারি চালাবেন। সকল উপলভ্য সম্পদ যেকোনো জরুরি পরিস্থিতি মোকাবেলায় সহায়তা করতে প্রস্তুত রয়েছে।

### **পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)**

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্ক খোলা থাকার সময়, খোলার সময় এবং বন্ধ হওয়ার সময় ইত্যাদি সম্পর্কে সর্বশেষ তথ্য জানতে পার্ক ভ্রমণকারীদের উচিত [parks.ny.gov](http://parks.ny.gov) দেখা বা তাদের স্থানীয় পার্কের অফিসে যোগাযোগ করা।

### **জনসেবা বিভাগ (Department of Public Service)**

নিউ ইয়র্ক স্টেটজুড়ে ক্ষতি মূল্যায়ন, সাড়া প্রদান, ও সংস্কার কার্যক্রম পরিচালনার জন্য নিউ ইয়র্কের ইউটিলিটি এজেন্সিগুলোতে আনুমানিক 7,800 জন কর্মী রয়েছে।

নিউ ইয়র্ক, মিশিগান, ওহাইও, ইন্ডিয়ান ও অন্টারিও থেকে জাতীয় গ্রিডের 2,913 জন লাইন, ট্রি, ও সার্ভিস ওয়ার্কার মেরামত ও পুনরুদ্ধার কাজের জন্য নিবেদিত রয়েছেন। নিউ ইয়র্ক ও অন্টারিও থেকে NYSEG/RG&E-এর 1,800 জন লাইন, ট্রি, ও সার্ভিস ওয়ার্কার মেরামত ও পুনরুদ্ধার কাজের জন্য নিবেদিত রয়েছেন।

- আজ বিকাল 4টা থেকে ক্ষতিগ্রস্ত অঞ্চলগুলোতে শুষ্ক-বরফ ও বোতলজাত পানি বিতরণ কেন্দ্রগুলো খোলা থাকবে:
- পশ্চিম অঞ্চল: JFK Community Center, 114 Hickory Street Buffalo, NY 14204

- ফিঙ্গার লেকস অঞ্চল: City of Batavia Fire Department, 18 Evans Street, Batavia, NY 14020
- পশ্চিম অঞ্চল: Murphy Training Center, 665 Brigham Road, Dunkirk, NY 14048
- সেন্ট্রাল নিউ ইয়র্ক অঞ্চল: Oswego Fire Dept (back parking lot), 35 East Seneca Street, Oswego NY 13126
- নর্থ কান্ট্রি অঞ্চল: Jefferson County, Watertown CitiBus Garage, 544 Newell St, Watertown, NY 13601

এজেন্সির কর্মীরা পুরো সময়জুড়ে ইউটিলিটি কার্যক্রমের ট্র্যাক রাখবে এবং সবচেয়ে বেশি প্রভাবিত হতে পারে বলে ধারণা করা এলাকাগুলোতে ইউটিলিটি এজেন্সিগুলোর যথাযথ কর্মী নিয়োগের বিষয়টি নিশ্চিত করবে।

### নিউ ইয়র্ক স্টেট পুলিশ

স্টেট পুলিশ (State Police) ক্ষতিগ্রস্ত এলাকাগুলিতে প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত রয়েছে। স্টেট পুলিশের সব বিশেষায়িত যানবাহন অবিলম্বে সাড়াদানের জন্য প্রস্তুত রয়েছে, এবং সকল জরুরি বিদ্যুৎ ও যোগাযোগের সরঞ্জাম পরীক্ষা করা হয়েছে।

### নিউ ইয়র্ক পাওয়ার অথরিটি (New York Power Authority, NYPA) / ক্যানাল কর্পোরেশন (Canal Corporation)

নিউ ইয়র্ক পাওয়ার অথরিটি এবং ক্যানাল কর্পোরেশন (Canal Corporation)-এর কর্মীরা সকল ফ্যাসিলিটি, সম্পদ ও সরঞ্জাম নিরাপদ ও প্রস্তুত রয়েছে বলে নিশ্চিত করতে প্রস্তুতি সম্পন্ন করেছে। প্রয়োজনে বিদ্যুৎ পুনরুদ্ধার কার্যক্রমকে সহায়তা করার জন্য বিদ্যুৎ কর্তৃপক্ষ প্রস্তুত।

### নিরাপত্তা সংক্রান্ত পরামর্শ

বিদ্যুৎ বিভ্রাট হলে নিউইয়র্কবাসীদের উচিতঃ:

- এই ডিভাইসগুলিকে ক্ষতি করতে পারে এমন ক্ষণস্থায়ী শক্তির প্রবাহের ক্ষেত্রে প্রধান যন্ত্রপাতি এবং অন্যান্য সরঞ্জাম, যেমন, কম্পিউটারগুলি বন্ধ করুন বা সংযোগ বিচ্ছিন্ন করুন। একটি আলো চালু রাখুন যাতে কখন বিদ্যুৎ ফিরে আসে তা আপনি জানতে পারেন। আপনি যেখানে ইলেকট্রনিক সরঞ্জাম ব্যবহার করেন সেখানে সার্জ প্রোটেক্টর ব্যবহার করার কথা বিবেচনা করুন।
- আপনার ইউটিলিটি প্রদানকারীকে বিভ্রাটের বিষয়ে অবহিত করতে এবং অফিসিয়াল তথ্যের জন্য স্থানীয় সম্প্রচার শুনতে কল করুন। ইউটিলিটি সংস্থাগুলোর একটি তালিকা পেতে নিউ ইয়র্ক স্টেট ডিপার্টমেন্ট অব পাবলিক সার্ভিসে ভিজিট করুন।
- আপনার প্রতিবেশীদের বিদ্যুৎ আছে কিনা তা দেখুন। অ্যাক্সেস বা কার্যকরী প্রয়োজন আছে এমন লোকেদের খবর নিন।
- জরুরী আলোর জন্য শুধুমাত্র ফ্ল্যাশলাইট ব্যবহার করুন - মোমবাতিগুলি আগুন লাগার ঝুঁকি তৈরি করে।
- রেফ্রিজারেটর এবং ফ্রিজারের দরজা বন্ধ রাখুন - বেশিরভাগ খাবার যেগুলির হিমায়নের প্রয়োজন সেগুলি একটি বন্ধ রেফ্রিজারেটরে কিছু ঘণ্টার জন্য নিরাপদে রাখা যেতে

পারে। একটি না খোলা রেফ্রিজারেটর প্রায় চার (4) ঘন্টার জন্য খাবারকে ঠান্ডা রাখবে। একটি সম্পূর্ণ ফ্রিজার তাপমাত্রাকে প্রায় 48 ঘন্টা ধরে রাখবে।

- বাড়ির ভিতরে কাঠকয়লার গ্রিল ব্যবহার করবেন না এবং তাপের জন্য গ্যাসের চুলা ব্যবহার করবেন না - সেগুলি কার্বন মনোক্সাইডের ক্ষতিকারক মাত্রা ছাড়তে পারে।
- ঠান্ডা আবহাওয়ায়, স্তরে স্তরে পোশাক পরে এবং বাইরে কাটানো সময় কমিয়ে উষ্ণ থাকুন। ঠান্ডা চাপের উপসর্গ (অর্থাৎ, হাইপোথার্মিয়া) সম্পর্কে সচেতন থাকুন এবং উপসর্গ দেখা দিলে যথাযথ চিকিৎসা করান।
- আপনি যদি একটি উঁচু ভবনে থাকেন, তাহলে সিঁড়ি দিয়ে বিল্ডিংয়ের সর্বনিম্ন তলায় যান। লিফটে আটকে পরে থাকলে সাহায্যের জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন - অনেক বাতাস রয়েছে এবং লিফটের ভিতরটি যাত্রীদের সুরক্ষার জন্য তৈরি করা হয়েছে।
- আপনার পোষা প্রাণীদের জন্য তাজা, শীতল জল প্রদান করার কথা মনে রাখুন।
- নিষ্প্রয়োজন যাতায়াত করবেন না, বিশেষ করে গাড়িতে। বিভ্রাটের সময় ট্র্যাফিক সিগন্যালগুলি কাজ করবে না, যার ফলে যানজট এবং বিপজ্জনক গাড়ি চালানোর অবস্থা তৈরি হবে। আপনাকে যদি ব্ল্যাকআউটের সময় গাড়ি চালাতেই হয়, 4-ওয়ে স্টপ নিয়ম মেনে কলার কথা মনে রাখুন কাজ-না-করা ট্র্যাফিক সিগন্যাল সহ মোড়গুলিতে।
- স্বয়ংক্রিয় টেলার মেশিনগুলির (ATM) মোট সরঞ্জাম এবং লিফটগুলি হয়তো কাজ করবে না।

নিরাপত্তা সংক্রান্ত আরো পরামর্শের জন্য নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস এর নিরাপত্তা পরামর্শ সংক্রান্ত [ওয়েবপেইজ](#) দেখুন।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418